

المشكال

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

ممانعتی نتیجه‌سند مکیه گیره‌ممش و امر پیغمبری اوزرینه رجعتی مجبور اولمشلردی . بوحال ، احوال حربیه و دقایق سیاسییه حقیقه و قوف پیدا ایدمین بعض ذوات آره‌سند قیل و قالی موجب اولمش ، یأس آمیز شایعه‌لره میدان آچیلشمیدی .

فقط چوق کچه‌دن ایکنجی برسنرده (انا فتحناک فتحاً مبیناً) فرمان یزدانیسیله ارباب توحیده نصرت یزدانی تبشیر بیورولمش و آز برهمله فتح مکه میسر اولدیغی کبی دشمن اردولری ده تماماً قهر و تنکیل ایدلشدی .

بوگون اردوی عثمانیده عینی حالده بولینیور ، بعض وقایع حربیه هیچ برزمان بزی مایوس ونومید ایتسامیلدر . قوی برایمان ، لایزال براطمشان ایله ؛ نتیجه حربک بزم لهمزد ، اوله جغه اینانلی و بویولده چالیشمیلر ،

قطعیاً امین اولمیلدرکه عثمانلی اردوسی هیچ برزمان باغدارلرک هجوملرندن ییلمز . بلغارلرک عقورانه صالدرملرینه قارشی عثمانلی عسکرینسک ابراز مشانت ایدمه‌جکنی دوشونمک ، عثمانلیلری طایانلرک ذهنندن بیله کچمز . چونکه بوحال جهانلری صارصان شان عسکریمز ایچون ابدی برذلدر . عثمانلی اردوسی بوکا تحمل ایتمز . ییلدرملرک ، سلیملرک اولادلری ملحمه جدالی دشمن لاشه‌لریله مالامال ایتمه‌جکه جهاددن یوز چورمرز . دشمنی قهر و تنکیل ایتدجکه - فردن دونمز . وطنه تجاوز ایدنلری محو ایتدجکه ، حربدن عودت آرزولری بسله‌یه‌مز . بویله اولدیغی ییلدیکمز ، عثمانلی دلاور - لرینک ، موحدین قهرمانلرینک بوخصات نجییه مالک اولدقلرینه قانع اولدیغمز حالده ، هرکسک واقف اوله‌یه‌جنی بعض اسباب سائقه‌سیله دشمنک لغور اسلامیه‌ی تجاوز ایتمه‌سندن نیچون ، نه‌وت نیچون مایوس اولم .

متفقین اردولرینک روم‌ایلی به تجاوزلری ایلک دفعه وقوع بولمیزور . بوگون میدان رزمده الله یولنده ، محافظه وطن سوداسنده ، مدافعه ناموس اوغرندمه هر آن ، هر دقیقه فدای جان آماده بولنان قهرمان قارداشلریمزک اجدادی روم‌ایلی بی قاچ دفعه‌لر بوکبی متفقین درنکلرینک استیلا‌سندن قورنارمشلردی . باشند باشه برداستان ظفر اولان شانلی تاریخمیزی نیچون اوقومیورز . نیچون اونوتیورز . نیچون آرزومزه ، موافق نتیجه ویرمین اوافق وقعه‌لردن هیجانه دوشیورز ؟

عثمانلیلر میدان جنک وجدالده مغلوب اولملر . بزی مغلوب ایدن شی ، حسیانه فضله محکومیتدر .

آرزوایتدیکمز ، ایستدیکمز شیلدرعقب حاصل اولمینه برنبره ، درین بریاسه ، بی‌پایان برنومیدی‌یه دوچار اولیورز . برملت ایچون فلاکت زمانلرنده بوندن یوبوک دشمن اولورمی ؟

بار مصائب وفلاکت آلتده نه‌زیله نه‌زیله تاب وتوانی کسبان ، شهادت عرقیه‌سیله مشهر برعرب ادبی :

وتجلیدی للشامین اریهم التی لرب الدهر لا اتضع

کترمه‌مک قدر سویمسز ، بونکله برابر مهلاک بر اعتیاد اوله‌ماز . افرادی بونقیصه ایله معلول اولان جماعت ایچون هلاکدن قورتیلش یوقدر . بویله یاقیق نزد آلهیده یک فزا برشیدر . ایشته قرآن : « یا ایهاالذین آمنوا لم تقولون مالا تفعلون . کبر مقتاً عندالله أن تقولوا مالا تفعلون . ان الله یحب الذین یقاتلون فی سبیله صفأ کأنهم بنیان مرصوص = ای ایمان ایدن کیمسه‌لر ، یابه‌یه‌جکمز برشی نیچون سویلیورسکمز ؟ سزک بویله یابه‌یه‌جکمز ایشی سویله کز عندالله نه‌قدر چیرکین اولیور ! الله اوکیمسه‌لری سورکه : پارچهلری بربرینه قاینامش یکپاره بنای آ کدیرر صفر حالده فی سبیل الله غزا ایدرلر . »

آقسه‌کیلی

احمد حمدی

مَقَالَات

صبر و ثبات دائماً موجب نجاتدر

مهر منیر رسالت خطه حجازده نشر نوره باشلار باشلامز اطرافه انتشار ایدن شعاعاتک خفیف حزمه‌لری دیارشامه قدر انتشار ایتشدی . اوزمانلرده سوریه‌ده بولنان روماشرق‌ایمپراطوری هراقلیوس عربستانک آتشین صره‌لری شواهنقدن طاشان دهشت بخش شایعه‌لرک توالیسیله متأذی اولیور ، احوالدن استدلالاً بالآخره کنسی تاج و سلطنتکده تهلکیه معروض قاله‌جغنی حس ایدیوردی . بو اثاده مکه‌دن شامه ابن سفیان ریاستنده برکاربان کلمش اولدیغنی استخبار ایدنجه مشارالیهی حضورینه جلب ایدرک احوال پیغمبری حقنده اوزون اوزادی‌یه تحقیقات واستفساراتده بولنشدی . ابن سفیان اووقت هنوز نائل هدایت اولمه‌مشدی . بخاری شریف مؤلف محترمی هراقلیوس ایله ابن سفیانک محاورانه دائر تفصیلات مهمه ویرمکده‌در : محاوره اثناسنده ایمپراطور ، ابن سفیان آره‌ده وقوعه کلن محارباتده مکه‌لیلرکی ، یوقسه محمدیلرکی غلبه ایتمکده اولدقلرینی سوال ایتش ، ابن سفیان طرفندن (الحرب بیننا و بینهم سجال = نتیجه حرب آره‌مزده نوبتله‌در) جوابی ویرلشدی . ابن سفیانک بو سوزی او زماندنبری بین العرب بر ضرب مثل حکمنه کچمشدر . بوگون هر عثمانلی بو ضرب مثلی درخاطر ایتلیدر . مشرکین مکه ایله ریاست محمدیده بولنان موحدین اردولری آرسنده وقوعه کلن محارباتده طالع حرب اولجه بعضاً اوناره ، بعضاً ده اردوی اسلامه توجه ایلوردی . فقط نتیجه حربک موحدین اردوسنه مساعد اوله‌جنی محققدی و فی الحقیقه اوله اولدی .

هجرت نبوتینک سکرنجی سنه‌سند ایدی که لواء محمدی کمال شان وشوکتله مکه سورلرنده موجه نمای مهابت اولغه باشلامش واردوی اسلام غلبه کامله‌یه مظهر اولمشدی .

اولجه ایضای حج و زیارت کعبه مقصدیه مکه مکرمه‌یه متوجهاً مدینه منوره‌دن حرکت ایتش اولان موحدین ، مشرکین قریشک

دیده شدی. بز نیچون، بو کونکی حاله قارشى دشمنلری ممنون وامیدوار، دوستلری، محزون مأیوس براقه جق برطور نومیدی آلیورز.

سجایای قومیه مزیمی غائب ایتدک، الطاف الهیه دغنی امیدمزی کسده؟ فتور، یأس قدر برملتی محو ایدن مصیبت اوله مز. تاریخ بشریتده برتبدل عظیم اجرا ایدن، فاتحک ایلاک دور سلطنتده ملت عثمانیه ینه بویله بر هجوم قارشیسنده بولنماشمیدی. اوزمانلرده سلطان مراد ازوایه چکیله رک تحت سلطنتی هنوز یک کنج اولان مخدومه ترک ایتمه سنی فرصت عد ایدن اهل صلیب اردولری روم ایلییه هجوم ایتمش، عثمانیلری بو یاردن سوروب چیقارمق سودای مجنونانه سینه قایلما مشلمیدی. فقط بو هجومله، بوعهد شنلکله قارشى، مفاخر ملیه مزى شانلی وفوق التصور شهامتله ابدیاً یاشاتان اجدادیمز اصلا فتور کوسترمامش، الی سلاح طوتان هر فرد عثمانی ناموس ملی یی، وطن عثمانی قورتارمق ایچون حدود بویلرینه اوچشدی.

عثمانیلر جهانلری حیرتله ده براقه جق خارقه لر کوسترمکده یکتا دکلمیدر؟ دشمنلریمز بیله بو حقیقتی اعتراف ایتیورلرمی؟ بو کون بز نیچون بو خارقه لری کوسترمیم. بو کون نیچون، اسلافز کبی، عزم ایله، ثبات ایله، قهرمانانه متانتله دشمنلریمز قهر و تنکیل ایتیم. بو کون وطن جدأ تهلکه ده.

عثمانیلر تاریخ موجودیتلرینک اک بحرانی بر زمانی کچیریورلر. بویله بر زمانده بلاتفریق هر کس، ثوت قادین، ارکک، چوجوق، اختیار هر کس البدن کلدیکی، قدرت مالیه و بدنیه سنک مساعد اولدینی درجه ده وطنی قورتارمق ایچون چالشمغه مجبوردر.

(حب الوطن من الایمان) حکمتی اونوتماق ایجاب ایدر. دشمن کلور دیه وطنلرینی، کویلرینی براقوب استانبوله قوشمق، وظیفه باشنی ترک ایدوب بر کوشه یه صیویشمق عثمانلیق شانیه یاراشمز. چوجوق، قادین و اختیارلرک، حربیه قدرتلری، محاربلره معاونتلری اوله مینلرک چکیلمه سینه برشی دینیه مز. فقط دشمن قارشوسبنده چاریشان عسکرلره بر باردق صو یتشدیره بیله جک قدر بر قدرتی حائز اولانلرک اوتیه برییه صیویشمه لری عفو ایدلر بر جنسایت، اللهه، پیغمبره، دین مینه قارشى عظیم بر خیانتدر. بلغار و یونان بومباچیلرینک نصل چالیشدقلرینی، هم عرقلربنک تأمین مظفریتلرینه، جانلریله، ماللریله، نه وهت بوتون موجودیتلریله نه یولده بذک مساعی ایتدکلرینی، نه قدر وخیم تهلکه لره آتیلدقلرینی کوره رک بر عبرت و غیرت اولسون آلیورمی بز؟ چشم انتباهمزی آچق ایچون دها نه بکلورز. ایشه بو کون اوچورومک باشنده بولنیورز.

رضای باری یی جلب، روح محمدی یی شادان ایده جک آثار حیات و غیرت کوسترمزسه ک اوچورومه یووارلامق محققدر. یأس ایله، بیهوده لفاقه لرله، حکومتی، وظیفه اران عسکریه یی اشغال ایده جک صاحبه صاپان تنقیدلره حرب قازانیلمز.

اولا بو حربده غالب کله جکمز - فقط هر فرد عهده سینه ترتب

ایدن وظیفه یی بحق ایفا ایتک شرطیه - ایمان ایتلی بز. ثانیاً اوافق تفک و قعله لر، خوشمزه کیمه یی حادثه لر، حتی وخیم فلاکتلر پای عزم و ثباتمزی صارصا ملیدر. بزى هیچ بر زمان یأس و نومیدییه دوشورمه ملیدر. مغاسمز هیجانلر، لزومسز تلاشله طوتیلماق قدر مغلوبیتی احضار ایدن برحالت روحیه اوله مز.

بز سوزلریمزله، ایشلریمزله و الحاصل هر حرکتیمزله حدود باشنده دشمنلره چاریشان قارداش لریمز نمونه مردانکی اولملی کندیلرینه پیام عزم و ثبات کوندرملی بز.

میدان جنک وجداله جنته قوشار کبی بر شوقله آتیلان عثمانلی قهرمانلری شرف عسکرلرینی، شهامت قومیه لرینی داستان ظفرلرینی، یقینده؛ نه وهت عنایت باری، امداد روحانیت احمدی ایله یقینده یک پارلاق موفقیترلره تنویج ایده جکلر، بوتون کائناتی حیرتله دوشوره جک خارقه لر کوستره جکلردر.

بز، عهده مزه ترتب ایدن وظائفی جانسپارانه، فقط سکونتله تلاشسز، هیجانسز بر صورتده ایفایه چالیشم. قهرمان اردولریمزک لوازمات و احتیاجاتک وقت و زمانیه تأمیننه صرف مقدرت ایده لم. اونلره توفیق بارییه استناداً (نصر من الله وفتح قریب) کلبانکیله اعدای متفقه یی؛ لشکر عزمم اولسه لر بیله؛ عنایت باری ایله نارمار ایده جکلردر. بوکا شبهه ایتیم:

[وسیعلموا الذین ظلموا ای منقلب ینقلبون]

مدالی: م. شمس الدین

احکام قرآنیه نک ایفاسی ایچون علما دعوتنامه رسمی

بکله یور!

بز مسلمانلرده غریب برحالت روحیه واردر: کندمز توجه ایدن وظیفه یی بالذات تقدیر ایدرک ایفایه شتاب اولق بزده هیچ کورولمه مشدر. وظائف اجتماعیه شویله دورسون، وظائف شخصییه بیله بو حالت روحیه حکمراندر. چالشمق، اسباب حیاتییه یی تأمین ایتک، هر کسک طوغریدن طوغری به شخصه توجه ایدر بر وظیفه در؛ اوله ایکن چالیشما یور، عطالتی ترک ایتیور، مسکنتله، ذلله محو اولوب کیدیورز. وظائف اجتماعییه ده ایسه کندمزی بسبتوز دارایه چیقارمشر. بو حال، کیت کیده اودرجه یه وارمش که وظائف دینیه نک بیله ایفاسنده بر دعوت رسمیه بکلورز. ظن ایدرم، مناره لرده مؤذن دعوت ایتسه نمازی بیله اداده کندمزی معذور کوره جکر. بو حالت روحیه مملکتک یا کز عوام طبقه سنده دکلد؛ امتک رهبری اوله جق ذوات بیله ایفای وظیفه خصوصنده تبلیغ رسمی بکله یور.

ایشته علمای کرام! دعوتنامه رسمی تسطیر ایدلمکجه هیچ برینک دارالجهاده عزیمتی کورولمیدی، ایشیدیلیدی. دوشونملی، رهبر